

SAMÞYKKT

um bæjarráð fyrir Seyðisfjarðarkaupstað.

1. gr.

Bæjarráð fer með störf þau, er hingað til hafa verið falin eftirtöldum nefndum: Fjárhagsnefnd, fasteignanefnd, framfærslunefnd, veganefnd, sjúkrahússnefnd atvinnuálanefnd, rafveitunefnd, brunamálanefnd, sundlaugarnefnd og bókasafnanefnd.

2. gr.

Bæjarráð skipa 3 bæjarfulltrúar, kosnir til eins árs í senn, með hlutfallskosningu. Bæjarstjórn kýs 3 varamenn úr sínum hóp með sama hætti sem aðalmenn. Forfallist bæjarráðsmaður eða hans missi við, tekur sæti hans varamaður á sama lista sem aðalmaður, sé bæði aðalmaður og varamaður forfallaðir, geta flokkarnir látið fulltrúa sína eða varafulltrúa mæta í stað þeirra.

Bæjarstjórn getur með einfaldri ályktun ákveðið aðra tölu bæjarráðsmanna.

3. gr.

Bæjarstjóri á sæti í bæjarráði, má kjósa hann formann þess, enda hefur hann þar málfrelsi og tillögurétt, en atkvæðisrétt því aðeins, að hann sé jafnframt bæjarfulltrúi og kosinn í bæjarráð.

Bæjarráð kýs sér formann og ritara. Sá er rétt kjörinn, sem fær meiri hluta atkvæða. Ef tveir fá jöfn atkvæði ræður hlutkesti.

4. gr.

Bæjarráð heldur fundi einu sinni í viku, og þar að auki ef bæjarstjóri, formaður bæjarráðs eða tveir bæjarráðsmenn óska þess.

Fundir eru lögmætir ef tveir bæjarráðsmenn mæta.

5. gr.

Bæjarráð og bæjarstjóri framkvæma ákvarðanir bæjarstjórnar.

6. gr.

Bæjarráð hefur eftirtalin störf með höndum, stjórnar þeim og tekur um þau ákvarðanir, sem jafnframt eru tillögur til bæjarstjórnar og þurfa að öðlast samþykki hennar svo gild verði. Þó er bæjarráði heimil fullnaðarákvörðun mála, sem ekki eru veruleg fjárhagsatriði, enda sé eigi ágreiningur í bæjarráði né við bæjarstjóra um slíkar ákvarðanir:

- a) *Fjárhagsmál*: Til þeirra teljast umsjón og stjórn á fjárhag bæjarins, undirbúningur fjárhagsáætlunar, tillögur til úrskurðar á reikningum bæjarins, eftirlit og fyrirkomulag á bókhaldi og innheimtu gjalda
- b) *Vegamál*: Bæjarráð hefur stjórn og umsjón með vegamálum bæjarins, götum holræsum, vatnsveitu, vatnssölu og götulýsingum, allt eftir nánari ákvörðun bæjarstjórnar og reglugerðum þar að lútandi.
- c) *Fasteignamál*: Til þeirra teljast umsjón með fasteignum bæjarins svo sem lóðum, húseignum, jörðum, mótaki, grjótnámi, slægjum, túnleigum, fjallskilum, sandnámi o. fl. að því leyti sem ekki er öðruvísi fyrirskipað um þessi mál í lögum og reglugerðum.
- d) *Sjúkrahúsmál*: Til þeirra teljast stjórn og rekstur á sjúkrahúsi bæjarins í samráði við sjúkrahúslækni, er ávallt skal kveðja á fundi er rædd eru mál efni sjúkrahússins, en eigi hefur hann atkvæðisrétt.

e) *Brunamál*: Til þeirra teljast framkvæmdir á öllum brunamálum bæjarins, samkvæmt lögum og reglugerðum um brunamál og slökkvilið. Slökkviliðsstjóri eða varamaður hans skulu sitja fundi, ef rædd eru brunamál, en eigi hafa þeir atkvæðisrétt.

f) *Framfærslumál*: Bæjarráð hefur á hendi stjórn allra framfærslumála Seyðisfjarðarkaupstaðar, undir það heyra elliheimili, barnleikvöllur og barnaheimili, ef slík fyrirtæki eru á staðnum

Bæjarstjóri er framfærslustjóri, nema til þess sé ráðinn sérstakur maður.

g) *Atvinnumál*: Bæjarráð skal hafa eftirlit og umsjón með þeim atvinnutækjum er bærinn á eða rekur, einnig gera tillögur til bæjarstjórnar um atvinnuaukningu, þegar þurfa þykir.

h) *Önnur mál*: Öll önnur mál, sem ekki eru falin sérstökum nefndum í samþykktum um stjórn bæjarmála, eða með sérstakri samþykkt bæjarstjórnar, skulu heyra undir bæjarráð. Auk þess getur bæjarstjórn vísað þeim málum, sem henni sýnist til bæjarráðs, þó þau heyri ekki sérstaklega undir það aukningu, þegar þurfa þykir.

7. gr.

Bæjarráð setur starfsmönnum bæjarins erindisbréf, nema það sé af bæjarstjórn sérstaklega falið öðrum.

8. gr.

Bæjarráð skal halda sérstakar gerðabækur fyrir hvern flokk mála, sem undir það heyrir samkvæmt framanskráðu.

9. gr.

Bæjarstjórn ákveður þóknun fyrir störf bæjarráðs.

Samþykkt þessi, sem bæjarstjórn Seyðisfjarðarkaupstaðar hefur samið og samþykkt, staðfestist hér með samkvæmt lögum nr. 58 29. marz 1961, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Félagsmálaráðuneytið, 20 desember 1963.

F. h. r.

Hjálmar Vilhjálmsson.

Hallgrímur Dalberg.

G J A L D S K R Á

fyrir Rafveitu Húsavíkur.

I. RAFORKA

Rafveita Húsavíkur selur raforku á þann hátt og við því verði, sem hér segir:

A. Lýsing.

11. Um kwst.mæli á kr. 3.80 hverja kwst.

12. Um kwst.mæli á kr. 1.70 hverja kwst.

auk fastagjalds af gólfleti í rúmi því, er lýsa skal.

Fastagjald reiknast þannig:

a) Fyrir verzlanir, vinnustofur og skrifstofur kr. 1.20 á ferm. á mánuði.

b) Fyrir geymslur, verbúðir o. þl. kr. 0.60 á ferm. á mánuði.